



XUNTA DE GALICIA
CONSELLERÍA DE CULTURA, EDUCACIÓN
E ORDENACIÓN UNIVERSITARIA
CONSERVATORIO SUPERIOR DE MÚSICA DA CORUÑA

Manuel Murguía, 44. 15011 A Coruña

Tlf: 981141295 • Fax: 981140655

E-Mail: csmcورونا@edu.xunta.es

[http:// http://csmcoruna.com/](http://http://csmcoruna.com/)

PROXECTO LINGÜÍSTICO DO

CONSERVATORIO SUPERIOR DE MÚSICA

DA CORUÑA

ÍNDICE

1. INTRODUCCIÓN.....	3
2. MARCO LEGAL	3
3. OBXECTIVOS	4
4. LIÑAS DE ACTUACIÓN	5
5. ADDENDA ANUAL.....	6

1. INTRODUCCIÓN

Consideramos fundamental fomentar a lingua galega e o seu uso oral i escrito no Conservatorio Superior de Música da Coruña, tanto nas relacións internas coma as que manteñan con outras administracións, públicas e privadas de Galicia, sen que iso supoña unha restrición dos dereitos dos alumnos e do persoal do conservatorio.

O CSM A Coruña conta cunha sección bilingüe, en inglés, posibilitando que algunhas das materias que oferta o conservatorio sexan ofrecidas en lingua inglesa.

Con este proxecto buscamos regular a distribución das linguas vehiculares das distintas materias de estudo o fin de garantir a competencia plena e en igualdade nas dúas linguas oficiais e posibilitar a adquisición dun coñecemento efectivo en lingua estranxeira.

O Decreto 79/2010, do 20 de maio, establece que as linguas constitúen un elemento básico de identidade cultural e representan un valor fundamental de cohesión dunha comunidade. O artigo 3º da Constitución Española establece, no seu punto 1º, que o castelán é a lingua oficial do Estado, e, no punto 2º, que as demais linguas españolas serán tamén oficiais nas respectivas comunidades autónomas de acordo cos seus estatutos, e sinala que a lingua é un patrimonio cultural que será obxecto de especial respecto e protección.

O Estatuto de Autonomía de Galicia, no seu artigo 5º, define o galego como lingua propia de Galicia e dispón que os idiomas galego e castelán son oficiais en Galicia e que todos teñen o dereito de coñecelos e usalos. Así mesmo, establece que os poderes públicos de Galicia potenciarán o emprego do galego en todos os planos da vida pública, cultural e informativa, e que disporán dos medios necesarios para facilitar o seu coñecemento.

2. MARCO LEGAL

Na elaboración deste documento tivéronse en conta o marco lingüístico establecido pola Constitución española de 1978 e polo Estatuto de autonomía de Galicia de 1981. Ademais da Lei orgánica 2/2006, do 3 de maio, de educación, o DECRETO 163/2015, do 29 de outubro e a ORDE do 21 de novembro de 2016 pola que se regula a ordenación das ensinanzas artísticas superiores de Música.

Tivose en conta o Decreto 79/2010, do 20 de maio, para o plurilingüismo no ensino non universitario de Galicia.

No artigo 4º enumera os principios a partir dos que se elabora este decreto, que son os seguintes:

- a) Garantir a adquisición dunha competencia en igualdade nas dúas linguas oficiais de Galicia.
- b) Garantir o máximo equilibrio posible nas horas semanais e nas materias impartidas nas dúas linguas oficiais de Galicia, co obxectivo de asegurar a adquisición da competencia en igualdade nelas.
- c) Adquisición dun coñecemento efectivo en lingua(s) estranxeira(s), nun marco xeral de promoción do plurilingüismo no sistema educativo de Galicia
- d) Promocionar a dinamización da lingua galega nos Centros de ensino.

3. OBXECTIVOS

Tomando como punto de partida a realidade do noso centro consideramos os seguintes obxectivos, dirixidos ao conxunto da comunidade educativa e aos seus diferentes ámbitos:

- a) Garantir a adquisición dunha competencia en igualdade nas dúas linguas oficiais de Galicia
- b) Mellorar a competencia lingüística da lingua galega entre os membros da comunidade escolar, tratando de fomentar o seu uso nas actividades do centro.
- c) Posibilitar a adquisición dun coñecemento efectivo en lingua estranxeira
- d) Ampliar o campo de uso da lingua galega no currículo escolar.
- e) Concienciar ao profesorado e ao persoal non docente da importancia da dinamización da lingua e do patrimonio galego.
- f) Contribuír á difusión da cultura galega, implicando á comunidade escolar e aos axentes culturais da cidade no proceso, fomentando a interrelación coas diversas institucións do contorno.
- g) Fomentar o emprego da lingua galega nas comunicacións orais e escritas com toda a comunidade educativa e com outras institucións.

4. LIÑAS DE ACTUACIÓN

- Documentación do centro.

Todas as comunicacións coa administración, así como todos os aspectos burocráticos do centro estarán en lingua galega.

Da mesma maneira todos os documentos oficiais escritos e a documentación económica serán en galego, agás a documentación que pola súa natureza teña que estar, ademais, noutros idiomas (complemento europeo ó título, certificados para outras comunidades autónomas...)

- Os aspectos visuais

Toda a rotulación externa e interna do centro elaborárase en lingua galega.

- Xestión pedagóxica

Teremos en conta todos os documentos producidos, coa finalidade de ordenar a planificación e máis a xestión pedagóxicas. Tendo en conta:

- Os documentos relacionados coa planificación educativa
- Actividades de asesoramento e apoio técnico.
- Actividades de seguimento e control.

- Interacción didáctica

O docente é un referente na aula e promotor dos usos lingüísticos, no seu uso oral e por escrito. Favorecendo unha actitude de integración e de valoración da nosa lingua e cultura na aula.

- Sección bilingüe

A participación na sección bilingüe (inglés) será voluntaria para o alumnado, reflectíndose no expediente daqueles que escollan esta opción. Do mesmo xeito que é preciso adaptar os obxectivos e contidos das materias bilingües para integrar os aspectos lingüísticos



nelas, será precisa tamén a incorporación de certas particularidades nas estratexias metodolóxicas.

- Comunicacóns orais

Atención ao público, intervencións en actos oficiais, intervencións nos medios de comunicación, campañas informativas do centro, xornadas culturais, celebracións, etc.

- Comunicacóns escritas

Circulares, correos electrónicos, notas de prensa, anuncios, cartas, páxina web, etc.

5. ADDENDA ANUAL

O presente proxecto irá acompañado por 3 anexos que se elaborarán anualmente.

Anexo 1: Materias que se imparten en lingua estranxeira (curso en vigor).

Anexo 2: Programa de promoción da lingua galega (curso en vigor).

Anexo 3: Memoria de actividades de promoción da lingua galega (curso anterior).